



1^{MA} SESSIONE STRASURDINARIA DI U 2025
30 È 31 DI GHJINNAGHJU

1^{ère} SESSION EXTRAORDINAIRE DE 2025
30 ET 31 JANVIER

N° 2025/E1/005

**Question orale déposée par Mme Marie-Claude BRANCA
au nom du groupe « Core in FRONTE »**

OBJET : Cumu aiutà i nosci piscatori di pettu à u Statu è l'Europa?

Sgiò presidenti di l'Ambienti, cari collegghi

Vennari u 17 di ghjinnaghju, i piscadori corsi incù u Sindicatu di i Piscadori Corsi ani fattu senta a so zerga di fronti à i misuri regulamentari abusivi chì li toccani.

Cunisciti bè postu chì aveti ricivutu chivi i so rivendicazioni. Ogni gruppu dinò rappresentatu chivi i cunosci è par maiò parti i spartini.

Par contu nosciu, comu l'emu sempri ditta simu à fianc'à iddi postu chi ricusemu chì sighi cundannatu à morta a noscia pesca paisana.

Ramintemu chivi i so principali rivendicazioni:

- U costu di l'essenza;
- U ricusu da l'URSSAF di piddà in contu u travaddu staghjunali;
- U pianu «West Med» chì metti in priculu i paranzi corsi.
- A rivisioni ditta di i « sopravivenza » imposta da l'Unioni Auropiana inadattata;
- A pulitica di furnazioni ditta «Médical1» fraziunatu d'un puntu di vistu geograficu;
- A difficoltà accrisciuta di i visiti medicali.

Par essa chjaru à tutti, ci voli à dì chi a pulitica auropa è quidda di a praputenza francesa mettini a pesca corsa à a malavia. I so misuri imposti un ani nunda à chì veda incù i rialtà cutidiani di i piscadori corsi.

Ci voli à dì dinò, chì a Francia, par muscià ch'idda pò fà meddu chì l'hà impostu l'Auropa, rinforza è impighjurisci a so pulitica autoritaria contr'à i piscadori corsi.

Ci voli dunqua ch'idda sighi adattata una nova rigulamentazioni è chì sia ricunisciuta cumu hè a pesca paisana praticata in tarra noscia.

D'utrovi di u 2024, un pianu tarritoriali di sustegnu è sviluppu à prò di a pesca corsa hè statu adupratu da l'Assemblea di Corsica.

Tinendu contu di ciò chì si passa, vi femu sta dumanda :

Cumu cuntati fà par accumpagnà, di pettu à u Statu francesu è l'Unioni Auropa, u movimentu di i piscadori corsi par ottene a nicissaria ricuniscenza è adattazioni di st'attività suciali, culturali è economica ?

À ringrazià vi.